

Øy Nytt

Kyrkjeblad for Øygarden



*Nytt team er på plass!
Les meir på side 7*

I dette nummeret kan du m.a. lesa:

Ny gudstenesteordning
Presten har ordet
Nytt frå Skjergardsheimen

Side 2
Side 5
Side 6



Ny gudstenesteordning med større valfridom

V/Olav Martin Vik



Det er bestemt sentralt at kyrkja skal ta i bruk ei ny ordning for gudstenesta. Ved inngangen til desember i år må det som ein har bestemt for seg lokalt vera på plass. Det er nemleg slik at soknerådet må ta nokre avgjerder fordi ein må velja lokale løysingar ut i frå ein mengde stoff. Soknerådet vårt har vore på kurs og må arbeida meir med den lokale ordninga.

Hovudinnhaldet er m.a.:

- Kyrkjelydane får større fridom til å prega det lokale gudstenestelivet, noko som gir variasjon.
- Likevel viktig å ta vare på det kjende.
- Kyrkjelyden skal i større grad prega profilen på gudstenesta og fleire skal involverast i arbeidet med å førebu og gjennomføra gudstenesta.
- Større breidde for musikalske uttrykk i gudstenesta. Det vert opna opp for ulike musikkstilar i same gudsteneste.


Soknerådet si rolle og prosessen lokalt

Arbeidet med å definera lokale ordningar for gudstenesta vert krevjande for soknerådet. Det er

mykje stoff å velja i, det vert viktig å finna ordningar som folk trivst med lokalt, at folk kjenner seg att og ikkje minst at det som er føremålet med gudstenesta kjem tydeleg fram.

Presten og kantor har ei viktig rolle i arbeidet med å finna ei god ordning lokalt.

På ettersommaren må soknerådet ha teke nokre avgjerder som også kyrkjelyden må ta stilling til før prosten og biskopen legg siste hand på verket.



Du er velkommen til gudstenestene i Blomvåg og Hjelme kyrkjer

Gudstenestene søndag føremiddag har på ein måte alltid vore der, og me tek det som sjølvstakt at slik er det. Det er viktig å presisera at gudstenesta er til for deg og at Gud kallar oss saman til gudstenesta. Gudstenesta er ei felleskapshandling og me er saman for Guds andlet slik me er og med det me har å

fara med, på godt og vondt. Guds ord vert forkynt, menneske vert døypte og me kan imot nattverden. Gudstenesta er til for deg, for den du er og slik du er. Det er ingen krav til deg. Du er hjarteleg velkommen til gudstenestene i kyrkjene i Øygarden. Oversikt og gudstenestene finn du lenger bak i bladet.

Frist for stoff til nr 5/12 er 15. okt.



Den norske kyrkja i Øygarden

ØyNytt – kyrkjeblad for Øygarden
Ansvarleg redaktør: Olav Martin Vik
I redaksjonen: Odd N. Thormodsæter, Hogne Berland og Anders Vik
Kontingent: Min. kr 125,- innan kommunen
Min. kr 175,- utanom kommunen
Takkeannonsar: kr 100,-
Kontonr. 3628.07.02557
Trykk: Bodoni
Distribusjon i Øyg. Terje Sanden tlf.: 4561 3416

Kyrkjekontoret:

Besøksadresse: Rong senter, 2. etasje
Postadresse: Boks 144, 5331 Rong
Telefon: 5638 2240
Faks: 5638 2241
Vakttelefon prest: 5638 2244
E-post: kantor@kyrkja.net
Heimesider: www.kyrkja.net
Ekspedisjonstid: måndag – fredag: 0900 – 1500

Tilsette:

Kontorleiar: Kari Sandøy Rong
E-post: kantor@kyrkja.net

Barne- og ungdomskonsulent:

Hogne Berland
E-post: pedagog@kyrkja.net
Telefon: 9868 3424

Kantor:

Anne Lise Grøm
E-post: kantor@kyrkja.net
Tlf. 5638 2245/9188 1208

Sokneprest:

Svenn Martinsen
E-post: sokneprest@kyrkja.net
Tlf. 5638 2244/9506 7890

Diakonimedarbeidar:

Björg Blom
E-post: diakon@kyrkja.net
Tlf. 4781 6181

Kyrkjeverje:

Olav Martin Vik
E-post: kyrkjeverje@kyrkja.net
Tlf. 5638 2243/9326 4400

Kyrkjetenar/kyrkjeg.arb. Blomvåg:

Kåre Kristoffersen, 911 05 197

Kyrkjetenar/kyrkjeg.arb. Hjelme:

Janesh Amenitya 958 23 472

Blomvåg kyrkje:

5638 7022

Hjelme kyrkje:

5638 8030

Råda:

Øygarden sokneråd og
Øygarden kyrkjelege fellelråd:

Leiar: Erling Vik

Beredskapsordning for Vesthordland prosti
Tlf. 954 83 655

Denne ordninga gjeld berre for tenester som ikkje kan venta, slik som dødsbod og støtte i kritiske situasjonar.

Beredskapsordninga gjeld på kvardagar frå kl 1700 til kl 0800 neste dag. Laurdag og søndag gjeld ordninga heile døgeret. Vakttelefonen for Øygarden på dagtid er som før 5638 2244.



Han tek ikkje glansen av livet

*Han tek ikkje glansen av livet, den
frelsar som kallar på deg.
Først då kan for alvor du leva når
han fær deg fylgja på veg.*

*Du høyrer dei dårande røyster
som lovar deg gullglim og glans.
Men ingen legg lys over vegen som
Jesus og kjærleiken hans.*

*Han hjelper i brattaste bakkar og
stør deg når vegen vert smal.
Han signar dei sollyse sletter og
lyser i dødsskuggens dal.*

*Han fører deg frelst over fjorden,
heilt fram til den himmelske
strand.
Når døden sin brottsjø deg møter,
vil Jesus dra båten i land.*

*Han tek ikkje glansen av livet, han
gyller din morgon og kveld
Og opnar ei dør til dei salar der
æveleg høgtid du held.*

Desse versa er skrivne av Trygve Bjekrheim i 1950. Songen står i Sangboken på nr 168 og i Salmeboka på nr. 346 og er omsett til fleire språk. Som mange sikkert kjenner til har songen ein gripande bakgrunnshistorie. På internett kan du lesa denne historien og fleire detaljar om både songen og forfatternen. Første gongen eg høyrde **Han tek ikkje glansen av livet** var truleg på Norea Radio, den tids misjonsradio på 50/60-talet. Sidan har songen fylgt meg gjennom livet.

Kva så med dei som vert forfølgd for di dei er kristne? Har deira liv ein glans? Menneskeleg sett verkar vel det nokså meiningslaust. Men i «Utsyn» fortel ein av dei som for mange år sidan vart ein kristen, då misjonen også kom til hans landsby, og som opplevde at dette ikkje vart godt motteke: «Livet med Jesus kan føra vanskar og kostnader med seg, likevel vil eg aldri venda tilbake til det gamle. Same kva som måtte henda vil eg alltid fylgja Meisteren, leggja av synda og fylgja han.» - *Først då kan for alvor du leva, når Han får deg fylgja på veg* -.

All erfaring tilseier at denne verda sin gullglim og glans falmar og forgår i hast. Me vert stadig minna om at livet er forgjengeleg. Me må derfor løfta blikket utanfor horisonten, og sjå på Jesus, trua sin opphavsmann og fullendar. La oss ta i mot Frelsaren. Han som er Livet, Sanninga og den einaste vegen til Himmelen.

Eg er visseleg ingen songar, men likevel tonar det i mitt sinn:
*Han tek ikkje glansen av livet, Han gyl-
ler din morgon og kveld
Og opnar ei dør til dei salar Der eveleg
høgtid du held.*

Til neste ØyNytt utfordrar eg Ole Andreas Wastvedt i Vaskarhaugen på Vik, til å skriva om sin salme.

Tilbod til liten og stor i Øygarden

Øygardskoret

Syng alt frå kyrkjemusikk til viser. Øver kvar tysdag i Hjelme kyrkje kl. 19.30-21.30.
Kontaktperson: Anne Lise Grøm (91881208)

Barnekantoret

2.-4. klasse øver kvar fredag på Alvheim skule frå 13.45-14.20. 5.-7. klasse øver kvar tysdag i Hjelme kyrkje frå 13.15-14.00.
Kontaktperson: Anne Lise Grøm (91881208)

Gospel Teens

Gospelkor for deg mellom 10 og 18 år. Øver annankvar tysdag i Blomvåg kyrkje frå 17.30-19.30.
Kontaktperson: Olaug Rong (97194484)

Ichtyus

Ungdomsklubb på Vik bedehus for ungdom frå 8 klasse. Andakt, lovsong, kafé og underholdning. Annankvar lørdag i partalsveker frå kl. 20.30-23.00.
Kontaktperson: Therese Dale (46450862)

Plussklubben

Klubb for 5.-8. klasse for heile Øygarden. Samlast ein onsdag i månaden på Oen bedehus frå kl. 19.00-21.00. Lappar vert levert ut på skulane.
Kontaktperson: Linn Andersen (99243379)

KRIK

Idrett og andakt. Toftøy skule kvar fredag frå kl. 19.00-21.00.
Kontaktperson: Martin Jonas Hellesund Nakken (92646561)

Eldretreff på Tednebakkane

Ein torsdag i månaden i kantina på Tednebakkane frå kl. 16.30.
Kontaktperson: Bjørg Blom (47816181)

Eldretreff i Hjelme kyrkje

Ein onsdag i månaden i kyrkja frå kl. 16.45.
Kontaktperson: Bjarne Skjold (48144284)

BARNEVAKTEN MED FORELDREBOK

Barnevaktens bok «Gode råd om barn, ungdom og medier» er no på plass hos bokhandlarar. Boka inneheld informasjon om medieområda som born og ungdom møter.

– Dette er eit spanande bokprosjekt som vi har stor tru på, seier redaktør i Cappelen Damm om boka.

– Vi ynskjer å hjelpe foreldre med å lukkast på heimebane med tanke på å skape gode medieopplevingar og fremje medvite bruk hos egne born. Boka samlar den viktigaste informasjonen for foreldre på ein stad, og dermed får foreldre ei handbok og verktøykasse vi trur vil vere til stor nytte og glede, fortel Øystein Samnøen, som er ansvarleg redaktør for bokutgivinga. Samnøen er leiar for Barnevaktens internasjonale arbeid KidsandMedia.

Samnøen meiner innhaldet i boka er veldig konkret og treff direkte inn i born og unge sin mediekvardag.

– Boka inneheld viktig informasjon om medieområda born og unge møter, og inneheld og masse konkrete råd og forslag til samtalepunkt mellom foreldre og born, seier han. Boka tek for seg følgjande hovudemne: internettmediet, mobilmediet, film og fjernsyn, spillmediet og digital mobbing. KPK

INNKOMNE OFFER

Hjelme

| | | |
|------|-------------------------|-------------|
| 1/1 | Kyrkjelydsarbeidet | kr. 2537,- |
| 15/1 | Bibelskulen Bildøy | kr. 3008,- |
| 29/1 | Sygna vid.skule | kr. 2959,- |
| 12/2 | Det Norske Bibelselskap | kr. 2194,50 |
| 26/2 | Nordh.Indremisjon | kr. 4046,- |
| 11/3 | CHISC- KRIK i Afrika | kr. 3210,50 |
| 25/3 | Kyrkjelydsarbeidet | kr. 3709,- |
| 5/4 | Kyrkjelydsarbeidet | kr. 1483,50 |
| 8/4 | Normisjon | kr. 6553,50 |
| 19/4 | Konfirmantarb | kr. 1817,- |
| 22/4 | Kyrkjelydsarbeidet | kr. 1970,- |
| 6/5 | LAGET | kr. 4700,- |
| 17/5 | Kyrkjelydsarbeidet | kr. 3442,- |
| 28/5 | Fjelltun misjonsskule | kr. 2096,- |
| 3/6 | Familie og Medier | kr. 2870,- |

Blomvåg

| | | |
|------|--------------------------|-------------|
| 8/1 | Kyrkjelydsarbeidet | kr. 1720,- |
| 22/1 | Nordh. Indremisjon | kr. 1850,- |
| 5/2 | Kyrkjelydsarbeidet | kr. 2021,- |
| 19/2 | Det Norske Bibelselskap | kr. 4915,50 |
| 4/3 | Bildøy Bibelskole | kr. 2488,50 |
| 18/3 | Familie og Medier | kr. 3719,50 |
| 1/4 | Kyrkjelydsarbeidet | kr. 2541,- |
| 9/4 | Fjellhaug bibelskule | kr. 2222,50 |
| 15/4 | Normisjon | kr. 4861,50 |
| 28/4 | KRIK | kr. 3418,- |
| 29/4 | Kyrkjelydsarbeidet | kr. 2858,50 |
| 5/5 | CHRISC- KRIK i Afrika | kr. 3479,50 |
| 13/5 | Den Norske Israelsmisjon | kr. 2282,- |
| 17/5 | Kyrkjelydsarbeidet | kr. 3329,- |
| 27/5 | Åpne dører | kr. 3991,- |

OLA HOVDENS LEGAT

Etter statuttane er det ungdom frå tidlegare Hjelme kommune som har høve til å søkja støtte til høgre utdanning.

Under elles like vilkår skal dei gå føre som tek sikte på høgre utdanning i 4 år eller meir ved høgskule, universitet eller anna utdanningsinstitusjon, med rekna slik som gjev praktisk utdanning» (sitat statuttane) Søknadsskjema kan du få ved å veda deg til Øygarden kommune v/ sørviskontoret, eller på kommunen si nettside under «søknadsskjema» (www.oygarden.kommune.no)

Søknadsfrist er 31. oktober 2012 - styret -

INRI - RONG BEDEHUS KL 16:30



Søndagsskule og søndagsring på samlingane

Velkommen til samling

SØNDAG 2. sept. Familiefeiring.

Andakt v/ Hogne Berland

15.- 16. sept. TX-Vikings-

helg: Lørdag kl. 20:00: Ungdomssamling

Søndag kl. 16:30: Søndagssamling

Fredag 21. sept. Kl. 20:00 NIGHT OF WORSHIP v/

Solveig Leithaug m band i KULTURHUSET

SØNDAG 23.sept John Roger Nesje

Søndag 7. okt Audun Hjelvik

SØNDAG 21. okt Øystein Rong

SØNDAG 4. nov Ivar Fjeld

SØNDAG 18. nov Rune Ludvigsen

SØNDAG 2. des – Adventsfest Andakt v/ Asle Hetlebakke

Kaffi, saft og kaker etter kvar samling ☺

Bibeltimar Nautnes Bedehus

Kl. 19:00. Kveldsmat og samtale etter møta

27. september v/ Svern Martinsen

17.–21. okt Møteveke v/ Leiv Nesheim

15. nov v/ Leif Myntevik og Olav Vindenes

Torsdag 29. nov v/ Harry Wiig Andersen

Arr: Indremisjonen

VIK BEDEHUS 75 ÅR!

Jubileet vert markert laurdag 8. september med møte og kulturkveld kl. 18:00

Talar: Harry Wiig Andersen.

Tema: Kva betydning har bedehuset hatt for bygda?

Song, mat og lysbilete med orientering om bedehuset gjennom tidene.

Søndag 9. september kl. 11:00:
Storsamling. Tale v/ Karl Johan Hallaråker. Søndagsskule.

Alle er velkomne!

Foto: ONT



-din el-kontakt

VESTGAR ELEKTRO

Postboks 30, 5331 Rong

T: 56 38 94 73

E-post: post@vestgarelektro.no

www.vestgarelektro.no

Ut med Statskyrkja

21. mai 2012 vedtok Stortinget den største samla endringa av Grunnlova sidan 1814. Dagen vil nok óg bli hugsa som ein merkedag i kyrkjesoga her til lands, men óg i landet vårt si soge. Endringane inneber nemleg i prinsippet ei avvikling av statskyrkja, som vart innført med kong Christian III sitt statskupp 12.august 1536. Danskekongen stal då kyrkjegodset og tok den katolske kyrkja frå folket.

Vedtaket i vår tyder at Noreg ikkje lenger har ein offentleg statsreligion eller er ein religiøs stat. Og staten sitt verdigrunnlag er vorte nyformulert. Det er ikkje staten, men trussamfunna si oppgave å tru, og lovverket må spegle dette. Staten skal no ikkje lenger drive religiøs verksemd, men setje alle trus- og livssynssamfunn likt.

Det juridiske grunnlaget for staten si styring av kyrkja er altså borte. Dette tyder at det no er kyrkja sjølv, og ikkje «Kongen i statsråd», som utnemner Den norske kyrkja sine leiarar, som biskopar og prostar. Kyrkjeleg statsråd, som var organet der kyrkjemedlemene i regjeringa handsama kyrkjesaker, er borte, og kyrkjedepartementet som det framleis heiter, har no berre administrative oppgaver i høve til kyrkja.

Det politiske grunnlaget for denne endringa kom med stat-kyrkje-forliket mellom dei politiske partia på Stortinget i 2008.

Det har lenge vore eit sterkt ønskje frå dei øvste kyrkjelege organa at staten som kyrkjestyre skulle bli avvikla, slik at kyrkja kan ta fullt ansvar for eiga verksemd. Dette er sjølv sagt óg i tråd med allmenne menneskerettar og internasjonale konvensjonar om religionsfridom.

At desse historiske endringane ikkje har fått noko særleg merksemd, trur eg kanskje skuldast at dei førebels er viktigare prinsipielt enn praktisk. For vedtaket hindrar ikkje at arbeidet som presten,

kyrkjestaben og dei kyrkjelege råda gjer, kan gå vidare. Kyrkja ønskjer å gjere si teneste med Ord og Sakrament mellom sine lemer som før, og vil halde fram Evangeliet om Jesus Kristus som Frelsar og Herre i liv, død og all æve.

Men samstundes må nokre viktige spørsmål stillast.

For det første: Det er ein lang og omfattande prosess som ligg bak endringane. Men kva for kyrkje har me eigentleg fått? Og kva for kyrkje ønskjer me i framtida? Den norske kyrkja som folkekyrkje er framleis nemnd særskilt. Og at det er slutt på statskyrkja treng ikkje bli eit farvel til ei folkeleg kyrkje. Men kva dette er vil nok bli tema for mykje debatt. Veit dei som teiknar den «nye» Dnk kva Kyrkja-med stor K!- er?

Presten og venen Arnfinn Andreas Haram som nyleg døydde (sjå eige minneord i dette nr. av Øynytt)heldt si siste preike bare nokre timar før han vart henta heim til Herren. Den må utan tvil karakteriserast som profetisk. Arnfinn seier her:

«Mange ting har skifta og gått opp og ned i kyrkja si lange historie, men dette har alltid vore ...senteret: Guds folk, ekklesia..., samla for å høre den apostoliske forkynninga, vedkjenne trua, bere fram sine bønner og feire eukaristien. Kort sagt: Den heilage messa. Vil du sjå kor sterkt kyrkja og kristendomen står, skal du sjå korleis det står til med dette. Det er

når dette lever at kyrkja får ein verkeleg vekst, som det står vidare i det same avsnittet: Kvar dag la Herren til nye som let seg frelsa (Apg.2,47).»

For det andre: I næringslivet er uttrykket «bunnlinjen» velkjend. Rekningane kjem og lyt betalast. Når det gjeld økonomien er det lagt opp til at Den norske kyrkja óg i framtida vil ha samband med det offentlege, og at økonomien skal koma herifrå.

Men det er nok ikkje for pessimistisk å tenkje seg at dei offentlege tilskota ikkje vil auka, heller verta mindre etterkvart, særleg dersom ein innfører ei kyrkjeleg sentraliseringsreform som vil gjere kyrkja, og særleg prestetenesta mindre synleg lokalt.

Om personleg gjevarteneste, «tiende» vart innført, kunne dette vera ei supplerande eller alternativ finansieringsform. Når alt kjem til alt er det nett den lokale prestetenesta som er kyrkja sitt «utstillingsvindaue». I Øygarden som i mange lokalsamfunn utover landet reknar folk den lokale presten som «sin» prest. Men folk vil ikkje ha, eller gje til ei kyrkje dei ikkje kan møte i glede og sorg-i nærmiljøet. Har kyrkjeleinga skjont dette når dei no teiknar den «nye» Dnk?

Men alt kan samlast i Fader Arnfinn si ånd: I sine siste ord ropar han ut at Kyrkja er Corpus Christi, Kristi Kropp i verda.

Eg vil vise til Kol.1,24 og flg.vers. Kyrkja er eit Mysterium. Ho er «**Kristus er mellom dykk, håpet om herlegdomen!**» Dersom vi tek dette innover oss er det håp for «nye» Dnk.

sokneprest@kyrkja.net



Minneord over Arnfinn Haram Av Svann Martinsen

«Ven frå det høge, du er min fred!»

Om ettermiddagen søndag 10. juni døydde presten Arnfinn Andreas Haram(63) av hjarteinfarkt på sykkeltur i Nordmarka. Tapet er stort for både Den romersk-katolske kyrkja, norsk kristenliv i det heile, og for oss som har rekna han som ven og god kollega i Den Heilage Tenesta. Mange i Øygarden Prestegjeld hugsar óg godt Arnfinn frå tida han var prest hoss oss.

Arnfinn vart fødd 25.september 1948 i Ålesund. Han tok teologisk embets-eksamen i 1978, og Practicum 1979 på MF. Etter teneste som Høgskolelektor på Diakonhjemmet og i Feltprestkorpsset vart han 1981 vikarprest i Bjørgvin og kom då til oss før han vart utnemnd til sokneprest i Loddefjord 1982, seinare óg Prost i Laksevåg Prosti. Han var medlem av Kollegiet i Bøne-og Arbeidsfelleskapen Kyrkjeleg Fornyng, og m.a. Styremedlem i Presteforeningen i Bergen, FBB Bjørgvin, Dagen, Bergen

Menighetspleiers fellesnemnd, og Kontaktnett for kyrkjeleg samhald.

Arnfinn var medlem av den same Presteordenen(Pro Ecclesia)som eg er med i frå nystarten i januar 1991 fram til 1998. Han var min forgjengar(1993-1998) som Vegleiar i SKG Samråd på Kirkens Grunn.

7-9.november 1997 var m.a. Arnfinn, og eg saman på Biskop Bertil Gärtners Kyrkomøte i Linköping og Arnfinn fortalde meg då at han hadde vore i møte med «nokon i Oslo». Sidan han óg sa: «Før eller seinare vert det tale om ein katolsk agenda», skjonte eg kven. Han gjekk ut av Dnk 26.mars 1998, og vart påskennatt same året teken opp i den Katolske Kyrkja. Etter klosterliv i Frankrike vart han i 2002 dominikanarmunk, i 2003 vigd til katolsk prest, og frå 2009 prior for dominikanarklosteret i Oslo.

Arnfinn gløymde aldri Øygarden. Han kunne seia: «Det er eigentleg ingen skil-

nad på Hellesøy Bedehus og Peterskyrkja i Rom!» Og han var med oss til det siste. Då Alexander døydde i mai, var han sterkt med i bøn for dei næraste og lokalsamfunnet.

Mange er dei glimt inn i Guds Rike han fekk bere fram. Dei vil leve i lang tid. M.a. var han ein sær god salmediktar. Ein salme(skripen etter Arnfinn si eige utsegn i bilkø på Danmarks plass i Bergen!) som er ein meditasjon over Jesusbarnet i krubba julenatt, sluttar slik: «*Djupaste mørker ligg over jord, alt fekk du prøva, Jesus, min bror. Gå ikkje frå meg, Herre, eg bed! Ven frå det høge, du er min fred!*» (Salmar 1997 nr.4)

RIP (Requiescat in Pacem, Kvil i Fred), Bror!

Fr.Svann



Nytt fra Skjergardsheimen

Vi har allerede kommet godt i gang med et nytt og spennende år på Skjergardsheimen. Året startet med forhandlinger med Bergen kommune om sommerleirer for de neste årene. Vi var så heldig at vi kom i havn med en ny avtale som har en ramme på 12 millioner kroner. Avtalen gjelder for 6 år. Dette gir et godt grunnlag for den totale driften på Skjergardsheimen.

Nytt av året er og at Bergen indremisjon bruker Skjergardsheimen som «sitt» leirsted, noe som gjør at der er drift både påske og nyttår, i tillegg til at de har en rekke helgeleirer her. Vårsesongen på leirskolen er også unnagjort. Vi har hatt besøk av totalt 600 elever fra diverse skoler i Hordaland og Sogn og Fjordane. Stor fart, masse aktivitet, masse fisk og mye fint vær. Leirskole er blitt en betydelig del av driften på Skjergardsheimen.

Når dette skrives er vi i slutten av sommerleirene og det nærmer seg kurset Helse for livet med 63 deltakere som skal være en uke her hos oss. Når den uken er ferdig starter vi høstsesongen på leirskolen så der er nok å gjøre.

Der skal være leirer for de forskjellige klassetrinn fra skolene i Øygarden i regi av kirken i Øygarden. Her har det vært økende oppslutning og fullbooket de siste årene så vi gleder oss til det.

Der ble avholdt årsmøte i april og da ble følgende styre valgt:

Audun Sæle, leder
Geir Dale, nestleder
Olaug Landro Hatten
Anita Dævøy
Råmund Skjold

Varamedlemmer:

Ove Dævøy
Henning Sandøy
Kari Rong



Nytt team i Øygarden

Ny haust i Øygarden betyr nytt team. Ingrid Blom og Silje Vik, begge frå Øygarden, gler seg til eit spennande og utfordrande år! Vi tok ein prat med dei to før dei skal i gang med arbeidsoppgåvene.

Tekst: Hogne Berland

Foto: Ann-Elin Dyrøy

Det neste året skal Ingrid og Silje jobba som barne- og ungdomsarbeidarar i kommunen. Er du mellom 0 og 16 år er sjansen ganske stor for at du vil sjå desse i kyrkja, på eit bedehus, på skulen eller i barnehagen. Og er du eldre, vil du sikkert treffe på dei då og!

Både Ingrid og Silje har gått på Sygna vgs i Balestrand. Deretter reiste dei saman til Normisjon sin bibelskule i Grimstad der dei var studentar sist skuleår. «Vi har vore gode venninner sidan ungdomsskulen», seier Ingrid. Vi spør om dei trur det vert vanskeleg å jobba så tett i lag eit heilt år. «Nei, vi kjenner kvarandre så godt, både dei sterke og svake sidene», seier Silje. «Eg er for eksempel ikkje så strukturert og ryddig, men der er Ingrid veldig god.» Ingrid ler og tilstår at ho nok kanskje er litt meir ordensmenneske enn Silje. «Men Silje er nok litt meir kreativ. Så lenge ein er bevisst på forskjellane så skal det nok gå veldig bra å jobba i team. Og så er vi ganske flinke til å snakka om slike ting», legg ho til.

«Kva gler de dykk mest til dette året?» spør vi, og får til svar at det må vera å bli kjent med borna og ungdommane. «Og kanskje spesielt konfirmantane, for dei skal vi jo bruke mykje tid i lag med. Vi har veldig lyst å fortelje borna og ungdommane om Jesus og vil at dei skal få oppleve det same som vi har fått oppleve.»

Begge understrekar at dei er veldig gira og klar for dette året, sjølv om dei veit at dei kjem til å verta utfordra på ting dei ikkje har gjort før. «Vi vert veldig glade dersom folk har lyst til å be for oss og det arbeidet vi skal gjera!» seier dei til slutt.

Vi ønskjer lukke til og Guds signing over det nye teamet!



God stemning på bibelgruppe

Ei av ungdomsbibelgruppene i Øygarden. Denne gjengen samlast annankvar fredag for å ha det sosialt og verta betre kjent med Jesus! Frå venstre: Samuel Dåvøy, Bjarte Sæle, Andreas Vik, David Nordvik, Kristoffer Nordvik, Markus Øyen og Endre Dåvøy.



Vil snakke meir om ungdom og alkohol

Unge som er aktive i kristne organisasjonar drikk meir enn før, men klart mindre enn sine jamaldrande. Kristne ungdomsleiarar meiner undersøkinga gir grunn til ettertanke.

I mai vart undersøkinga «Fra vann til vin?», om bruk av rusmiddel blant aktive i kristne ungdomsmiljø, lagt fram på eit seminar i Kirkens Hus i Oslo. Undersøkinga, som er gjennomført av KIFO (Stiftelsen Kirkeforskning) på oppdrag frå Blå Kors, viser at kristne ungdommar si haldning til alkohol er blitt meir liberal. Men undersøkinga viser samstundes at ungdommar som er aktive i kristne ungdomsmiljø gjennomgåande er klart meir restriktive til bruk av alkohol enn det deira jamaldrande er.

Grunn til ettertanke

Eit klart mindretal (18 prosent) av kristne ungdommar drikk alkohol «hyppig», det vil seie fleire gonger i månaden. Medan kring 20 prosent seier at dei har vore fulle. Desse tala ligg langt under det som vert registrert i generelle ungdomsundersøkingar. Likevel gir undersøkinga grunn til ettertanke, meiner forfattarane Pål Ketil Botvar og Sivert Skålvoll Urstad. Dei peiker på at synet på alkohol varierer mykje i kvar organisasjon, og at tema som det er ulike meiningar om, ofte blir eit «tabu» i organisasjonen.

- Sjølv om resultatene av undersøkinga kan roe dei som frykta at forbruket blant aktive kristne var på line med gjennomsnittet, er det nok av funn som kan danne utgangspunkt for vidare drøfting med tanke på førebyggingstiltak, heiter det i oppsummeringa av undersøkinga. KPK

ELDRETUREN TIL TYSNES I JUNI

På Tysnes er det ein gard som heiter Håheim Gard. Den er omgjort frå å vera eit gardsbruk til no å vera ein fin serveringsstad med ein spesiell stil både innomhus og ute i hagen. Me har sett omtale i aviser og høyrte frå kjentfolk at dette var ein bra stad å vitja, og dit ville me dra.

Ref. Else Austbø/ Bjørg Blom

Foto: Svenn Martinsen

Bussen var fullteikna. I tillegg måtte me bruka ein privatbil. Bjarne Skjold hadde ord for dagen og minna oss om kor viktig slike sosiale samvær er for oss alle. På bussen hadde me allsong, og Else Austbø kom med visdomsord frå Ivar Aasen. Andre morosame historiar fekk me og, bl.a ved Kjell Døskeland.

I ventetida på ferja fekk alle bollar og kaffi som komiteen hadde med.

Vi var først i Onarheim kyrkje på austsida av Tysnes. Her hadde me eigen guide som fortalde om den tradisjonsrike kyrkja med røter tilbake til middelalderen. Kyrkja hadde vore knytt til adelskapet i Sunnhordland og kunne visa fram mange gamle skattar i glasmonter. Det var biblar, andaktsbøker, døypefont og ulike messehaklar. Det var ei stor og vakker trekyrkje.

Svenn hadde andakt for oss, og buss-sjåføren Arnfinn Nordheim song for oss. Ei minnerik stund.

Håheim Gard var hovudmålet vårt. Her vart me møtt av ein velkomsslått på neverlur. Torstein Hatlevik, eigaren, hadde sans for det ekte og enkle. Garden er utvida med fleire hus og det var engelsk landsbygdstil både ute og inne. Me fekk ein flott middag og det smakte fortreffeleg. Torstein spelte piano og song for oss. Det vart ei minnerik stund utanom det vanlege.

Etter måltidet kunne me gå omkring i haugen. Ein flott tur i eit strålende forsommarvær.



ELDRETRUFF HAUSTEN 2012

Hjelme. I Hjelme kyrkje

19. sept

17. okt

21. nov

12. des – førjulsfest

Blomvåg. På Tednebakkan

20. sept

18. okt

22. nov

13. des- førjulsfest

NYTT FRÅ KYRKJEVERJA

Ny gravplass i Hjelme

Kommunestyret i Øygarden har i junimøtet godkjent planane for opparbeiding av ny gravplass i Hjelme. Kommunestyret var delt i synet på ei stegvis utbygging eller ei full utbygging utan stogg. Eit fleirtal gjorde vedtak om stegvis utbygging. Utbygging av den nye gravplassen er så langt ikkje finansiert og ein kjenner ikkje den eksakte kostnaden. Gravplassen vil nok kosta nokre 10-tals millionar ferdig utbygd. Kommunestyret må finansiera gravplassen i framtidige budsjettvedtak. Kyrkjeverja meiner at den nye gravplassen må vera ferdig ved årsskiftet 2013/2014. Det må no arbeidast vidare med detaljplanlegging, uttalar frå kyrkja sine organ og anbudsrunnar. Ved eit seinare høve vert planane presentert i ØyNytt.

Mur langs eksisterande gravplass i Hjelme

På grunn av planlagt framtidig vegutviding langs gravplassen i Hjelme må det byggjast ein mur langs med gravplassen. Formannskapet i Øygarden har no godkjent finansiering og bygging av muren. Den har ein kostnad på vel 700.000,00 kr. Før muren er bygd får ein ikkje fullt ut nytta det siste feltet på Hjelme gravplass. Feltet er teken i bruk.

Framtidig gravplass i Blomvåg

Kyrkjeverja her bedt at Øygarden kommune innarbeidar eit område for ny gravplass i Blomvåg sokn, i kommuneplanen som no er i arbeid. Kommunen arbeider no med å finna eigna område. Kyrkjeverja meiner at det vil gå 8-10 år frå ein finn eit område til det er opparbeida som ferdig gravplass. Det er enno god kapasitet på eksisterande gravplass (nye).

Flinke ungdomar i sommarjobb

Om sommaren er det mykje slått og tilsyn elles på gravplassane, samt anna sesongarbeid og ordinært arbeid som t.d. gravferder. Me er så heldige at me har hatt med oss flotte ungdommar som har gjort ein god jobb denne sommaren. Det er Christopher Ameyna og Jan Henrik Lyngøy Rong. Dei har også erfaring frå tidlegare år.

Kjøp kjapt, trygt og billig

KIWI mini pris

Søre Sæle

Tlf. 56 38 71 20

Mand – fred kl.08.00 - 22:00

Lørdagar 08:00 – 20:00

Det er vi som bygger Øygarden



Tlf. 56 38 28 00 - Fax 56 38 28 09

Adr. Pålset, 5337 Rong

www.th-bygg.no

Øygarden Cafe og Catering Tjeldstø

Har lokale til ca. 100 personer.
Arrangerer bryllaup,
konfirmasjonar og andre
tilstellingar.

Kan levera mat til alle
anledningar.
Middag, koldtbord og snittar.

Tlf. 92 54 45 69

Indrøy Taxi & Transport

1 - 11 passasjerer

Rullestol

Mobil: 90 59 90 59



Åsane Begravelsesbyrå AS

v/Johannes Blom

Vi står til teneste med alt vedr. gravferd

Tertnesvegen 99, 5114 TERTNES

Døgnvakt tlf.: 5518 9000

Solstrands Begravelsesbyrå



Herman Fossgt. 11, 5007 Bergen

Telefon 55 55 16 16 hele døgnet

E-post: post@solstrands.no

Vår erfaring - din trygghet

Ønsker du sol hjem?
Vi kan tilby 12 rørs solhimler
eller solseng med høy kvalitet.
Du ringer - vi bringer!
Vi forhandler også solariumskem og -briller

B-P-S Solutleige
v/Arvid Rong 5337 Rong
Tlf: 56 38 74 54 Kveld: 56 38 73 22
Mobil: 918 56 258



BODONI

Trykker Øynytt

Sotra Omegn
BEGRAVELSESBYRÅ
- En del av Koba Christensen gruppen

Ditt begravelsesbyrå på Sotra.

Oppfølging og veiledning i en tung og vanskelig tid.

Vi dekker hele Fjell, Sund og Øygarden

TLF 56 32 08 90 hele døgnet

Skjenet 4, 5353 Stråume (samme hus som Ligningskontoret)

Øygarden elektriske as

Tlf.: 56 38 24 40 - Fax: 56 38 24 41

Mobil: 928 41 790

E-mail: post@oygarden-elektriske.no

SparebankenVest

– satsar på Vestlandet



- Ei rein og skjær handleglede ved havgapet!

EUROSPAR

| | |
|---------------------------------|------------------------------|
| Fisk - og ferskvarespesialisten | Fristende frukt og grønt |
| Innholdsrik betjent ostedisk | Nydilige nystekte bakervarer |
| Velsmakende varm mat | Herlig salat - og fruktbar |

Måndag - fredag 8-22, Laurdag 9-20

Bank i Butikk **EUROSPAR Rong** tlf. 56 38 71 40



- Snitter
- Koldtbord
- Varmmat
- Baguettar
- Koldttallerken

Rong Catering a/s

Tlf.: 56 38 74 54

Vi formidlar blomster til innland og utland



Blomsterbua

Rong Senter
Telefon: 56 38 92 65
Postboks 107, 5331 Rong

INTERFLORA



RONG SENTER

Eigne prisar for pensjonistar
Langope torsdag

TIMEBESTILLING 56 38 73 90

Vest Modul AS

5336 Tjeldstø

- Tilbygg
 - Nybygg
 - Rehabilitering
 - Montering og utleige av brakker
- Normann 958 19 905
Ingvard 958 10 967
Trelastlager Tjeldstø




Installasjon industri, bolig
Data- og telenett
Alarmanlegg
Antenne/parabolanlegg
Elektroverksted
Elektrisk forretning

Tlf. 56 38 50 00
Vakttelefon: 922 34 062

www.torsteinsvik.no

Øygarden hud & kroppspile skifter navn til

LT hudpleie

Og har flyttet til Ågotnes helsehus.
Følg oss på facebook.
Velkommen til nye lokaler!
Tlf 5638 9515



- Stort utval av godbiter fra vårt kjøkken
- Moderne bilverksted m EU/kontroll
- Reparasjon av alle bilmerker
- V askehall
- Kaffiavtale
- Gass



BLOM SERVICESENTER AS

5331 RONG - tlf. 56 38 72 80
Godkjent bilverksted

Bokhandelen som setter kristen litteratur og musikk i fokus



Bok & Media* Vestbok
Vetrlidsallmenningen 1 5014 Bergen
Tlf: 55 31 79 63
www.vestbok.no

TIL LUKKE!



70 år

- 7. sept. Knut Arnulf Hansen, Knappestigen
- 21. sept. Øyvind Askeland, Medarseta
- 21. sept. Engjel Vaage, Knappevegen
- 26. sept. Anton Agnar Rong, Nygardsvegen
- 13. okt. Steinar Kurt Hennø, Høghøyen
- 21. okt. Ingebjørg Liv Dävøy, Harkestadvegen
- 21. okt. Kari Ingrid Døskeland, Gjerdhøyen

75 år

- 11. okt. Hans Andreas Blom, Nygardsvegen

80 år

- 2. sept. Adolf Malvin Knarvik, Knarvikvegen
- 16. sept. Magnar Breivik, Klubben
- 30. sept. Astrid Rasmussen Torsvik, Kverneset

85 år

- 3. sept. Jenny Ingvaldsen, Alvheimsvegen
- 3. sept. Øydis Toft, Vestrevegen
- 14. sept. Magnus Torsvik, Knappebrekka
- 1. okt. Ingrid Haugetun, Nygardsvegen
- 15. okt. Gunvor Hansen, Stormyrvegen
- 25. okt. Bjarne Hjalmar Sæle, Sælevegen

90 år

- 2. okt. Julia Lovise Sæle, Sæløyvegen

105 år

- 10. aug. Brynjulf Torsvik, Tjødnarvegen

DØYPTE

Blomvåg

- Mattias Skibenes Turøy, Torsvikvegen (Landro kyrkje)
- Hanna Wastvedt, Vasskarbrekka (Vik bedehus)
- Adrian Hernar Hop, Bergen
- Håkon Fjeldsaunet Sæle, Austemarka
- Nora Båtevik Rødberg, Rossnesvegen

Hjelme

- Amandus Fjeldstad, Grønhaugvegen
- Celine Laurejas Heggøy, Skjoldingsneset
- Nora Nordvik Oliverson, Nordvik
- Erica Alvheim Wågenes, Austemarka
- Stella Marie Hellesund Wågenes, Skjoldingsneset
- Emilie Hammersland, Hildalshaugen
- Magnus Solheim, Markja

DØDE

Blomvåg

- Johnny Husebø, Blom f. 1976
- Ole Arthur A. Antonsen Torsvik, Bergen f. 1924
- Aslaug Anny Monssen, Ternholmvegen f. 1922
- Brit Johanne Rong, Kvalen f. 1947
- Arve Dale, Blomvåg f. 1972
- Astrid Olivia Sæle, Bergen f. 1917

Hjelme

- Agnes Konstanse Jensen, Bergen f. 1916
- Astrid Monsine Heggøy, Botnen f. 1918
- Paul Karstein Bakken, Sælevegen f. 1946
- Bjarne Harkestad, Tjødnarvegen f. 1924
- Borghild Dävøy, Tjødnarvegen f. 1922
- Mons Henry Knappen, Hellesøy f. 1928
- Einar Bernhard Hernar, Tjødnarvegen f. 1933

GUDSTENESTER

02.sept. Blomvåg kyrkje kl. 11.00

Høgmesse v/ Svenn Martinsen. Tale v/ Japan-misjonær frå NLM. Dåp. Nattverd.

09.sept. Hjelme kyrkje kl. 11.00

Høgmesse v/ Egil Hjortland. Dåp. Nattverd.

16.sept. Blomvåg kyrkje kl. 11:00

Konfirmantpresentasjonsgudstener v/ Svenn Martinsen.

23.sept. Hjelme kyrkje kl. 11:00

Konfirmantpresentasjonsgudstener v/ Svenn Martinsen

30.sept. Blomvåg kyrkje kl. 11:00

Sprell Levande Gudstener v/ Svenn Martinsen og Nils Arne Lavik. Søndags-skulensdag og utdeling til 5.klassingar. Dåp.

07.okt. Hjelme kyrkje kl.11:00

Høgmesse v/ S. Martinsen. Taler frå NLA. Nattverd.

14.okt. Blomvåg kyrkje kl. 11:00

Høgmesse v/ E. Hjortland.

21.okt. Hjelme kyrkje kl. 11:00

Sprell Levande gudstener v/ Egil Hjortland og Nils Arne Lavik. Utdeling av biblar til 5.klasse.

28.okt. Blomvåg kyrkje kl. 11:00

Bots- og bededagsgudstener v/ Svenn Martinsen.

TAKK

Styret i Hellesøy bedehus vil rette ei stor takk til alle som bakte kake for salg på Bokkaféen på bedehuset på Hellesøydagen 11.aug! Det kom inn ca. 7.000 kr

VIGDE

Blomvåg

- Lise Yvonne Knappen og Christer-Andre Kleppesø
- Jorun Kårbø Landaas og Svein Leonard Kanstad
- Mette-Linda Flåten og Dwayne Lawrence Moorehead
- Tonje Sanden Berstrøm og Stian Sigurd Gjelsvik
- Stine Oen og Brede Tjønneland
- Silje og Torgeir Fjeldstad Nerbovik

Konsert i Hjelme gamle kyrkje Søndag 30. sept. Kl. 19:00

Du får høyra Øygarðskoret og Håkon Høgmo på fiolin. Velkommen til alle song- og musikkinteresserte!

Bergen Omegn

BEGRAVELSEHJELP
POLDEN

- vi utfører alt det praktiske eller tilrettelegger for pårørende som ønsker å gjøre noe selv



Knut Helge Polden



Espen Polden



Tom Wilson



Heine Polden

Døgntelefon: 55 21 44 50 • mobil: 917 51 700
www.bergenogomegn.no

AVD. BERGEN
Teatergt. 20
5010 Bergen
Tlf: 55 21 44 50

AVD. SOTRA
2.etg på Shellstasjonen
Sartor, 5353 Straume
Tlf: 55 21 44 50



Velkommen til Night of Worship

Fredag 21. september kl. 20:00 i Kulturhuset
Lovsong v/Solveig Leithaug med band
Andakt - Nattverd - Nattcafé
Arr:INRI



Returadresse:
ØYNYTT
Boks 144
5331 RONG



KONFIRMANTJUBILEUM 2012:

Her er 50års konfirmantar som møtte til jubileum i Blomvåg 19. august



(Ikke i rekkefølge)

Magnar Martin Alvheim, Otto Magnar Heggøy, Arvid Bjarne Dåvøy, Edvard Fjeldstad Solbakk, Tor Ragnar Fjeldstad, Jon Gerhard Fjeldstad, Karstein Alan Fjeldstad, Håkon Karl Herdlevær, Hallvard Martin Flåten, Håkon Martin Torsvik, Svein Jarle Johnsen, Sigurd Konrad Vik, Bjørn Paul Torsvik, Sonja Gjesholm Knappen, Inger Fjeldstad Forstrønen, Aud Harkestad Svellingen, Svanhild Johanne Oen Torsvik, Lillian Kristin Rossnes Angeltveit, Helga Gunhild Hagenes Eide, Marit Karensen Indrøy Storebø, Helga Anne-Elise Thuestad Fjell, Anna Rigmor Turøy Myrhaug.

Jubileet i Hjelme vil vi koma attende til i neste nummer av ØyNytt